

## 6-боб. Ота-онани мукофотлаш

Image not found or type unknown



20:22 / 24.10.2018 3276

10 - أَكْثَرُكُمْ مُمَدِّحِي نَأْ أَلْ إِدْلَاوُ دَلْوِي حَيَّيْ أَلْ «لَأَقْرَبُ بِي لَلْ نَعَّ، رَهْ رِي رُهْ بِي أَبَا نَعَّ - 10  
هُوَ تَعْتَفِي فُ هِي رَتُّ شَيَّ فُ»

10. Абу Хурайрадан ривоят қилинади:

**«Набий соллаллоҳу алайҳи васаллам:**

**«Бола ота-онасига ҳар қанча яхшилик қилса ҳам, уларнинг яхшилигини қайтара олмайди. Фақат уни қул ҳолида топса-ю, сотиб олиб, озод қилса, бундан мустасно», дедилар».**

*Шарҳ:* Ота-онанинг фарзанд учун қилган меҳнатларини мукофотлаш, уларнинг ҳаққини адо этиш жуда қийин иш эканини мана шу ҳадиси

шарифдан билиб оламиз. Фарзанд бу дунёда ҳар қанча уринса ҳам, ушбу ишни бажариб, охирига етказа олиши қийин.

Мабодо ота ёки она бировнинг қўлида қул ёки чўри бўлиб турган бўлса-ю, фарзанд уларни эгасидан сотиб олиб, қулликдан озод қилсагина, мазкур ҳақни адо қилди, дейиш жоиз экан.

فُوطِي أَيَّنَامِي الْجَرَ رَمْعُنْ بَادِي شُهُنَّ أَثَّحِي يَبَّأْتَعَمَسَ: لَأَقَ دَرُبِّي بَأْنَع - 11  
مَلَّ أُوْبَالِكُرْتَرَعْدُ أَنْ لَلْدُمْلَا أُوْرِي غَبَّ أَلَّ يَنْ إِنْ لُوقِي ءِوَرَّةَ ظَأَرُوهُمُ أَلْمَحَ ءِثَّيْبَلِبَاب  
نُ بَأَفَاطُمُثَّ ءِوَرَّةَ رَفَرَبَّ أَلَّ وُ، أَلَّ: لَأَقَ؟ أُهُتَّيْرَجَّ يَنْ أَرْتَأَ، رَمْعُنْ بَأ أَيَّ: لَأَقَ مُثَّ رَعْدُ  
نُ يَنْ تَعَكَّرَلْ كُنَّ، يَسُومُ يَبَّأْنُ بَأ أَيَّ: لَأَقَ مُثَّ ءِ نِي تَعَكَّرَ يَلَّ صَفَ، مَأَقَمُ لَأَ يَتَأَفَ، رَمْعُ  
أَمَّهُ أَمَّ أَمَّنْ أَرَّفَكُتَّ.

11. Абу Бурдадан ривоят қилинади:

**«Отамнинг қуйидагиларни айтаётганини эшитдим:**

**«Ибн Умар яманлик бир одамнинг орқасига онасини кўтариб олиб:**

**«Мен онам минган ювош туяман,**

**Уловлари чарчаса ҳам, мен чарчамасман», деб Байтуллоҳни тавоф қилаётганини кўрибди. Сўнгра у:**

**«Эй Ибн Умар! Онамнинг ҳаққини адо қилдимми?» деди.**

**«Йўқ! Бир марта оҳининг ҳаққини ҳам», деди.**

**Кейин Ибн Умар тавоф қилди. Мақомга бориб, икки ракъат намоз ўқиди-да, сўнгра:**

**«Эй Ибн Абу Мусо! Ҳар икки ракъат ўзидан олдин ўтган(гуноҳлар)нинг каффороти бўлади», дедилар».**

*Шарҳ:* Ўйлаб кўрадиган бўлсак, юра олмайдиган онани Ямандан Маккага олиб келишнинг ўзи бўлмайди. Уни кўтариб олиб тавоф қилдириш ҳам осон эмас. Ушбу ривоят қаҳрамони бўлмиш фарзанд онасини Ямандан олиб келиб, орқасида кўтариб, Байтуллоҳни тавоф қилдириш билан онасининг ундаги ҳаққини адо этган деб ўйлаган эди.

У ўз фикрини катта олим саҳобий Абдуллоҳ ибн Умарга тасдиқлатиб олиш учун у кишига:

**«Эй Ибн Умар! Онамнинг ҳаққини адо қилдимми?» деб савол берди.**

Абдуллоҳ ибн Умар розияллоҳу анҳу гапни айлангириб ўтирмай, лўндасини айтиб қўя қолди:

**«Йўқ! Бир марта оҳининг ҳаққини ҳам», деди.**

Онанинг бир марта эмизиши шунчалар қимматга эга бўлса, ҳамма эмизишларининг қадр-қиммати ва ҳаққи-ҳурмати қанчалар бўлишини ҳар киши ўзи билиб олаверса бўлади.

Онанинг эмизишдан бошқа хизматлари ҳам кўплигини ҳамма билади. Демак, фарзанд онанинг ҳаққини тўла адо этиши амримаҳол. Шунинг учун хаёлни турли ҳисобларга бурмасдан, она розилиги учун бутун борлигини ишга солсин.

**Бу ривоятдан олинадиган фойдалар:**

1. Қадимдан мусулмон фарзандлар оналарининг хизматида жон фидо қилишни йўлга қўйганлари.
2. Онанинг фарзанддаги ҳаққи улканлиги.
3. Онанинг фарзанддаги энг катта ҳаққи эмизиш орқали собит бўлиши.
4. Ўғил онасини кўтариб олиб тавоф қилдириши яхши иш экани.
5. Икки ракъат тавоф намози ўзидан олдинги баъзи гуноҳларнинг ювилишига сабаб бўлиши.

يَذِبُ نُؤُكَيْ نَاكَو، نَاوَرَمُ هُفَلْخَتْ سَيَا نَاكَ رِيْرُهُ اَبَانَا لِيْلِي قُوْعِي لَوَمَّ رُمِّي بَابَا عَن - 12  
عَلَعَفَقَوْجُوْخِي نَا دَارَا اِدَا فَا لَاق، رَاخَا فَا وَوَوْتِي بِي فَا هُمَا تَنَاكَ فَا، عَفَقِي لِيْلِي  
اِي كِيْلِي لَعُو؛ لُوْقَاتَا هُوَا تَاكَ رَبَّو هَلَلَا هُوَا مَحْرُو هَاتُمَا اِي كِيْلِي لَعُمَا لَسَلَا؛ لَاقَا فَا، اَوَابَا  
لُوْقَاتَا فَا، اَرِي عَصَا يَن تِي بِي بَرَا مَكُ هَلَلَا لَكَمَحْرَا؛ لُوْقَاتَا فَا هُوَا تَاكَ رَبَّو هَلَلَا لَعُمَا رُوِي نُبَا  
هُوَا لَمَّ عَن نَصَلْخُوْدِي نَا دَارَا اِدَا مُثَا. اَرِي بَا كِي نَتَا رَرَا مَكُ هَلَلَا لَكَمَحْرَا

12. Уқайлнинг мавлоси Абу Муррадан ривоят қилинади:

**«Абу Ҳурайрани Марвон ўз ўрнига қўйиб кетар эди. У(нинг уйи) Зулҳулайфада эди. Онаси бир уйда, у бир уйда яшар эди. У уйдан чиқмоқчи бўлса, онасининг эшиги олдида бориб:**

**«Ассалому алайкум, онажон! Ва раҳматуллоҳи ва барокатуҳу!» дер эди. Онаси ҳам:**

**«Ва алайка, ўғилгинам! Ва раҳматуллоҳи ва барокатуҳу!» дер эди.**

**«Кичиклигимда тарбиялаганингиз учун сизга Аллоҳнинг раҳмати бўлсин!» дер эди.**

**«Катталигимда яхшилик қилганинг учун сенга ҳам Аллоҳнинг раҳмати бўлсин!» дер эди онаси.**

**Кейин уйга кирмоқчи бўлса ҳам шундай қилар эди».**

*Шарҳ:* Мадинанинг ҳокими бўлган Марвон ибн Ҳакам бирор ёққа кетса, ўзининг ўрнига Абу Ҳурайра розияллоҳу анҳуни қўйиб кетар эди. Мана шу ҳолатнинг ўзи ҳам Ислом оламида Абу Ҳурайра розияллоҳу анҳунинг тутган ўринлари қанчалар улуғ эканини яққол кўрсатиб туради.

Энди ана шу улуғ саҳобий, катта обрў соҳиби, амирлар унинг олдида таъзим қиладиган зот онасининг олдида ўзини қандай тутишини кўриб қўйинг!

Уйдан ҳар чиқишида онасининг остонасига бош уриб, салом бериб, ташаккур айтиб, ижозат сўраб, кўчага чиқар эди.

Уйга ҳар киришида онасининг остонасига бош уриб, салом бериб, ташаккур айтиб, ижозат сўраб, кўчадан келганининг хабарини берар эди.

Абу Ҳурайра розияллоҳу анҳунинг бу гўзал иши асрлар оша кўплаб мусулмон фарзандларнинг одатига айлангани фахримиз боисидир. Бу ишни фақат мусулмон фарзандлар, мадрасаи Муҳаммадиянинг талабалари қилиши мумкин, холос.

**Бу ривоятдан олинадиган фойдалар:**

1. Абу Ҳурайра розияллоҳу анҳунинг Ислом оламида катта обрўга эга зот бўлганлари.
2. Абу Ҳурайра розияллоҳу анҳунинг вақти-вақти билан Мадинага амир бўлиб турганлари.
3. Абу Ҳурайра розияллоҳу анҳунинг оналарига бўлган ҳурмати олий даражада бўлгани.
4. Фарзандлар кўчага чиққанда ва қайтганда ота-оналарга хабар, салом бериб, ташаккурлар айтиб туришлари одобдан экани.

كَرَرْتُ وَرَجَعْتُ إِلَى أَبِي رَّبِّي لِيَلْجُرَّ عَجَاقُ وَرَمَعْتُ نَبِيَّ لِيَلْجُرَّ دَبْعُ عَن - 13  
«أُمُّهُ تَيْبٌ أُمُّكُمْ حُضْرًا، أُمُّهُ لِيَلْجُرَّ عَجَاقًا» لِقَاقِفٍ، نَأْيُ كَيْبِ عَيْبٍ وَوَبِ أ



*Шарҳ:* Ушбу маънодаги ривоят олдин ҳам ўтган эди. Бу ерда таъкид учун келтирилмоқда. Абу Ҳурайра розияллоҳу анҳунинг бу ишлари бошқаларнинг гувоҳлигида ҳам бўлиб туриши билдирилмоқда.